

կան ձեռնարկություններում աշխատող պաշտոնյաներով ծանր պալարի նման նստած էր պետական ֆինանսների վրա, կլանելով պետության եկամուտների ամենամեծ տոկոսը: Ջրիակերների այդ բանակը ստանում էր լավագույն ուժեղներ ու թիուլներ և աշխատում միայն հարստացնելու շահի անձնական գանձարանը: Խասսի արհեստանոցներում և գործատներում (քարխանն և բյու-թաթ)³³ աշխատում էին հազարավոր մասնագետ արհեստավորներ, որոնք նույնպես թիուլներ և համեսալեններ էին ստանում դիվանի հարկերից³⁴:

Մինչև XVII դարը ընդունված էր թիուլներ տալ նաև խասսի հողերից, սա-կայն XVII դարի սկզբին շահ Աբբաս Ա-ն անցկացրեց նոր օրենք, ըստ որի թիուլներ տրվում էին միայն դիվանի հողերից և մուլքային հողերից ստաց-վող պետական հարկերից³⁵: Այսպիսով խասսի հողերից և այլ ձեռնարկու-թյուններից ստացվող ամբողջ եկամուտները գանձվում էին հօգուտ արքունի-քի: Արքայական ընտանիքին պատկանող հողերը գլխավորաբար գտնվում էին մայրաքաղաքի շրջակայքում և կամ երկրի կենտրոնական նահանգնե-րում³⁶. սակայն ավելի վաղ ժամանակներից և հատկապես իլխանական շր-ջանում Հայաստանի որոշ վայրերում, մասնավորապես Արևելյան Հայաստա-նի առավել բարեբեր հողերում նույնպես կային թագավորական խասսին պատկանող հարուստ և եկամտաբեր գյուղեր ու ավաններ:

Արևելյան Հայաստանում գտնվող արքունի կալվածների վերաբերյալ ազ-բյուրներում հատ ու կենտ տեղեկություններ կան միայն: Բացի Ջաքարիա Ա-գուլեցու վկայությունից Ագուլիս, Մեղրի, Շոռութ, Լեհրամ և Աստապատ գյու-ղերի մասին³⁷, այլ աղբյուրներում կամ արխիվային վավերագրերում ոչ մի ուրիշ անուն մեզ չի հանդիպել: Խասս գյուղերի սահմանափակ քանակը Սեֆ-յան Իրանի այս նահանգներում պետք է բացատրել ոչ թե այն բանով, որ այդ վիլայեթների հողերը պակաս եկամտաբեր էին, այլ նրանով, որ լինելով սահ-մանագլխային նահանգներ՝ նրանք ենթակա էին հաճախակի հարձակումների և այդ տեսակետից էլ արքունիքի համար նպատակահարմար չէր այնտեղ կալվածներ ունենալ: Մանավանդ որ խասս գյուղերը համեմատաբար ավելի արտոնություններ էին վայելում, ավելի հարուստ էին, այնտեղ կենտրոնացած էին նաև զգալի թվով արհեստավորներ և վաճառականներ, ուստի ավելի շատ կարող էին հարձակման և կողոպուտների ենթարկվել: Թուման-ե Նախչևանի Ազադ-Ջիրանի մահալում (Գողթն) գտնվող վերոհիշյալ հինգ գյուղերն էլ, ինչ-պես տեսնում ենք, բավական հեռու էին գտնվում պետական սահմանից և ա-վելի ապահով էին նման անակնկալներից:

Կարելի է չկասկածել, որ բացի վերոհիշյալ գյուղերից նույն շրջանի ու-րիշ շատ գյուղեր, որոնք նույնքան հարուստ և արգավանդ վայրեր էին, նմա-նապես թագավորական խասսին են պատկանել: 1606 թ. Շահ Աբբաս Ա-ն շրախմբով շրջում է այս կողմերում, լինում Օրդուբադում, Վանանդում, Ագու-

³³ Տե՛ս Scherefnameh, t. II, էջ 252, 1938, 'تجران، عباسی، تاریخ عالم آرای، էջ 177, 281: Tadhkirat al-Muluk, էջ 14, 23—24, 175—176:

³⁴ Տե՛ս Առաքել Գավրիմեցի, Պատմություն, Վաղարշապատ, 1896, էջ 412:

³⁵ Տե՛ս И. П. Петрушевский, Очерки..., էջ 211.

³⁶ Իսթանբուլի Մուշուկ վկայությունը դեռևս XVI դարում Իսթանբուլի վիլայեթի մուլ-քերի մեծ մասը Շահ-Քահանաղի խասսերի մեջ էին մտնում և նրա անձնական մուլքերն էին համարվում» (Tadhkirat al-Muluk, p. 147):

³⁷ Ջաքարիա Ագուլեցի, Օրդուբադում, Երևան, 1939, էջ 134: